



KOMUNIKADO PA PRENSA

Fecha
23/01/2018

Kolaborado di Komunikashon
Noriza Gerard

Email
noriza.gerard@gobiernu.cw

REGLANAN PA KONSTRUKSHON DI STELAGE PA KARNAVAL 2018

Willemstad – Minister Zita Jesus Leito huntu ku Servisio pa Planifikashon Urbano (ROP) ta anunsiá e reglanan pa konstrukshon di stelage pa temporada di Karnaval 2018. Tambe ta indiká kua ta e fechanan pa kuminsá traha stelage i tambe pa kita tur stelage ora Karnaval pasa.

Dia 27 di yanüari 2018, for di 10or di mainta, te ku 10 di febrüari 2018 ta permití pa konstrukshon di stelage riba ruta di Karnaval tuma lugá. No tin mag di hasi niun tipo trabou di konstrukshon durante di ningun di e marchanan di Karnaval. Esaki ta pa garantisá seguridat di un i tur.

Despues di e temporada di Karnaval, tur doño di stelage ta obligá na kita nan stelage. Si e tim di prekario tuma nota ku esaki no a tuma lugá, e doño di stelage ta pèrdè su derechi di prekario. Tur doño di stelage tin te ku **18 di febrüari 2018 promé ku 3or di atardi**, pa kita nan stelage.

Henter e tim di prekario a traha inkansablemente pa ordená i manehá e parti aki di prekario. Di e forma aki, nos komunitat por disfrutá di Karnaval na un manera bon strukturá. ROP ke gradesí un i tur pa e kooperashon durante e dianan di konstrukshon di nan stelage i ta hasi un apelasjon pa no keda sin kita bo stelage na tempu.

Pa kualke pregunta por tuma kontakto ku Tim Prekario via e number 461-5132. Tambe por manda Whats app na number di telefòn +5999511-8582 òf por manda e-mail na info.vvrp@gobiernu.cw. por bishita e página di facebook Prekario Kòrsou.

